



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ
Ո Ր Ո Շ ՈՒ Մ

8 դեկտեմբերի 2022 թվականի N 1883-Ա

ԳՈՒՅՔ ՓՈԽԱՆՑԵԼՈՒ ՄԱՍԻՆ

Ղեկավարվելով «Մաքսային կարգավորման մասին» Հայաստանի Հանրապետության ՀՕ-353-Ն օրենքի 247-րդ հոդվածով և «Կառավարչական իրավահարաբերությունների կարգավորման մասին» Հայաստանի Հանրապետության օրենքի 5-րդ հոդվածի 5-րդ մասով՝ Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության պետական եկամուտների կոմիտեի նախագահին՝ «Կոնցեռն-Էներգոմաշ» ՓԲԸ-ի անունով ներմուծված, ապա «Հրաժարում՝ հոգուտ պետության» մաքսային ընթացակարգով 2022 թվականի հոկտեմբերի 5-ի թիվ 05100011/051022/0043116 ապրանքների հայտարարագրով ձևակերպված և պետական սեփականությանը փոխանցված ընդհանուր 1.18 կգ բրուտտո քաշով, 2,585,480 դրամ մաքսային արժեքով («05999570001 VEN anti-HER2/neu (4B5) RM PAB-US EXPORT») ռեազենտը փոխանցել Հայաստանի Հանրապետության առողջապահության նախարարությանը՝ կրծքագեղձի քաղցկեղի HER2/neu ստատուսի ախտորոշման նպատակով օգտագործելու համար: Ռեազենտի քանակը կազմում է 10 հատ:

2. Հայաստանի Հանրապետության առողջապահության նախարարին՝ սույն որոշումն ուժի մեջ մտնելուց հետո երկամսյա ժամկետում Հայաստանի Հանրապետության պետական եկամուտների կոմիտեի հետ համատեղ ապահովել սույն որոշման 1-ին կետում նշված գույքի հանձնման-ընդունման աշխատանքների կատարումը:

3. Սահմանել, որ սույն որոշման 1-ին կետում նշված գույքի հանձնման-ընդունման ընթացքում առաջացած ծախսերը ենթակա են իրականացման Հայաստանի Հանրապետության առողջապահության նախարարության միջոցների հաշվին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ

Երևան